


Apa itu Disleksia?

- Disleksia adalah masalah pembelajaran spesifik yang berpunca daripada masalah neurologi.
- Ia merupakan masalah berkaitan pemprosesan bahasa yang menjejaskan aspek-aspek seperti bacaan, ejaan, penulisan serta percakapan seseorang individu meskipun mereka menerima pengalaman pembelajaran yang sama dan mencukupi seperti kanak-kanak yang lain.
- Ia **BUKAN** disebabkan oleh:
 - Pengajaran yang kurang bagus
 - Kurang kecerdasan
 - Masalah penglihatan atau pendengaran



Punca Disleksia

- Disleksia berpunca daripada masalah neurologi dan berkait dengan perbezaan dalam struktur otak dan cara otak berfungsi dalam memproses serta mentafsir maklumat.



A: Individu biasa menunjukkan pengaktifan kawasan otak sebelah kiri untuk mencari erti perkataan.

B: Individu yang mempunyai masalah Disleksia boleh membaca dengan lancar tetapi selalu melangkaui kawasan ini.

Sumber: http://www.dyslexia.com/science/different_pathways.htm

Tanda-tanda Disleksia



...di sekolah rendah

Individu yang mempunyai masalah Disleksia akan/mungkin memiliki:

- Kesukaran dalam menamakan dan membunyikan huruf.
- Kesukaran dalam menggabung bunyi huruf untuk membentuk perkataan.
- Kesukaran dalam memecahkan perkataan kepada bahagian-bahagian kecil seperti suku kata dan bunyi.
- Bacaan yang lambat, terputus-putus dan tidak tepat.
- Kesukaran menyalin maklumat dari papan putih.




... di sekolah menengah

Individu yang mempunyai masalah Disleksia akan/mungkin:

- Masih menunjukkan kesukaran membaca dan/atau mengeja.
- Berasa teragak-agak untuk menulis.
- Menunjukkan perbezaan yang besar antara kemahiran lisan dan penulisan.
- Mengelak daripada membaca bersuara dan membaca untuk keseronokan.

Lain-lain Petanda

- Kekok/kelam kabut
- Kesukaran mengikat tali kasut
- Kesukaran dalam menyusun tugasan
- Kesukaran dalam mengatur tugasan
- Kesukaran dalam memberikan tumpuan
- Kesukaran dengan orientasi ruang
- Keliru antara kanan dan kiri
- *Ambidexterity*
- Kesukaran dalam bidang Matematik



MAKLUMAN!!!

Kanak-kanak yang baru belajar membaca dan kanak-kanak yang mengalami masalah dalam menguasai kemahiran membaca juga boleh menunjukkan beberapa ciri atau petanda yang disebutkan di atas. Oleh itu, para guru dan juga pihak ibu bapa **dinasihatkan** untuk merujuk sebarang keraguan kepada pihak profesional yang berkaitan untuk maklumat lanjut.

Beberapa strategi untuk membantu individu dengan masalah Disleksia



... di dalam bilik darjah

- Menggunakan pendekatan pelbagai deria dalam pengajaran bacaan dan ejaan bagi membantu pengekalan pembelajaran yang lebih lama.
- Menggunakan kaedah menyoal atau memberikan satu arahan yang jelas, pendek dan ringkas pada satu-satu masa.
- Menyediakan tugas membaca pada tahap kemahiran murid tersebut.
- Membentangkan maklumat pengajaran dalam pelbagai bentuk seperti carta, gambar rajah, peta minda.
- Sentiasa melakukan pengulangan, latihan, latihan dan memberikan banyak peluang untuk proses pembelajaran kepada murid bagi mengukuhkan pemahaman dan pengekalan maklumat.
- Memberikan penghargaan, galakan dan pengukuhan positif bagi setiap kejayaan kecil yang diperoleh murid terutamanya ketika mereka mempelajari atau menyiapkan tugas.
- Berikan nota kertas yang sedia bertulis dan hadkan aktiviti menyalin dari papan tulis.

FAKTA DISLEKSIA

Disleksia ialah masalah sepanjang hayat. Kemungkinan besar ianya diwarisi dari keluarga.

Disleksia wujud dalam semua demografi etnik, sosial dan jantina.

Kesukaran membaca/mengeja/ menulis dalam kalangan individu yang mempunyai masalah Disleksia boleh diatasi dengan adanya khidmat sokongan yang bersesuaian.

Hanya 30% daripada individu yang mempunyai masalah Disleksia memiliki simptom huruf dan nombor terbalik.



Individu yang mempunyai Disleksia tidak "melihat" kata-kata tersusun ke belakang. Masalah menulis perkataan dengan terbalik adalah berkaitan isu-isu dengan fungsi memori menyusun maklumat.

Disleksia boleh wujud serentak dengan masalah dalam integrasi visual-motor, persepsi visual, 'eye-tracking' dan ingatan.

Program Intervensi

Disleksia

Unit Pendidikan Khas Kementerian Pendidikan



UNIT PENDIDIKAN KHAS
Flat C3 JKR 1005, Simpang 373-18,
Jalan Pasar Baru, Gadong BE1318.
Negara Brunei Darussalam.



Tel: 2 454 149 (O) / 2 446 551 (F)